

《归园田居（其一）》背默原文

陶渊明 · 必修上·第三单元

类型：诗词曲，背诵边界：全文

少无适俗韵，性本爱丘山。

误落尘网中，一去三十年。

羁鸟恋旧林，池鱼思故渊。

开荒南野际，守拙归园田。

方宅十余亩，草屋八九间。

榆柳荫后檐，桃李罗堂前。

暧暧远人村，依依墟里烟。

狗吠深巷中，鸡鸣桑树颠。

户庭无尘杂，虚室有余闲。

久在樊笼里，复得返自然。

（第 1-10 句 · 判分单位按句末标点切分）

打印后对照默写；判分规则：错/漏/添/通假写本字/语序颠倒 → 该句 0 分。